



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

V. Soluuntur argumenta aduersariorum.

[urn:nbn:de:hbz:466:1-53845](https://nbn-resolving.de/urn:nbn:de:hbz:466:1-53845)

Genes. 25, qui filio Isaac dedit omnia sua adhuc viuens, filiis autem concubinarum largitus est munera.

**QVARTA RATIO**, Christus homo in ipsa incarnatione factus est caput, non solum hominum, sed etiam Angelorum, ut omnes coedunt, ergo debuit tunc repleri sapientia, gratia, & ipsa etiam beatitudine. Nec enim conueniebat, ut caput esset minus ornatum, & minus sapiens, quam sint membra.

**QVINTA RATIO**, Adam creatus est sapientissimus, ut ex eo colligitur, quod mox à creatione imposuit nomina omnibus animalibus, Genes. 2, ergo multò magis secundus Adam debuit in ipsa conceptione sapientissimus fieri.

## C A P V T V.

### Soluuntur argumenta aduersariorum.

**D R A T I O N E M** Agnoitarum & Caluinistarum, quam proponit B. Gregorius, & non soluit, dicens se alio tempore soluturum, Respondeo, Christum accepisse duo quædam ex nostris rebus in incarnatione. PRIMO, naturam integrā cum omnibus quæ ad eius perfectionem pertinet. Nam, ut ait in Symbolo Athanasius: *Perfectus Deus est Christus & perfectus homo.* SECUNDO, accepit aliquos defectus consequentes naturam nostram corruptam, ut mortem, famem, sitim, &c, non tamen omnes defectus. Nam non accepit peccatum, somitem, ignorantiam, cuius rei causa est, quoniam cum defectus non pertineant ad essentiam, vel perfectionem naturæ assumptæ, ex eiusmodi defectibus non debuit accipere nisi illos, qui conducebant ad finem incarnationis, qui erat saluare homines. Iam verò moriendo & patiendo poterat mereri apud Deum, quia patientia virtus est: at verò fomes, peccatum, ignorantia non erant utilia ad saluandos homines, sed potius noxia. Non enim peccatum peccato tolli potest, sicut morte mors occisa est.

Cum igitur Scriptura docet, Christum debuisse assimilari fratribus per omnia absque peccato, Hebr. 2. & 4. non oportet inde colligere, assimilari etiam debuisse in ignorantia, quæ

quæ non est peccatum, & tamen est in nobis. Nam cùm ercipitur peccatum, per illas voces, *absq; peccato*, intelliguntur excepta non solum peccata, sed etiā omnes illi defectus, qui non erant utiles redemptioni. Et cùm dicitur; *Per omnia asimilari*, nomine *omnium*, intelliguntur omnia, quæ ad perfectionem naturæ pertinent, vel ad redemptionem condicunt. Alioqui si omnia deberent esse in Christo, quæ sunt in nobis, non debuisset concipi de Spiritu sancto, nec nascit Virgine, nec in infantia impleri sapientia, nec carere rebellione partis inferioris, immò etiam oportuisset eum fibi, podagra, eeterisque morbis afflisci.

Adde, quod nusquam habetur illa sententia, vt ab eis catur. Nam Hebr. 2. sic legimus: *Debuit per omnia fratibus assimilari*. sed non habetur hoc loco, excepto peccato. & sensus est, Debuit assimilari per omnia, quæ ad naturam pertinent. Hebr. 4. legimus: *Tentatus per omnia pro similitudinib; absq; peccato*. Et sensus est, Tentatus fuit Christus omnibus modis, id est, expertus est omnia mala, quæ solent homines perpeti, in corpore, in anima, in honore, in facultatibus, in amicis, & consanguineis: & tamen nulla harum tentacione cum ad peccatum vñquam adduxit.

I AM vero ad alterum Scripturæ testimonium, cuius tota vis posita est in illa voce Græca, *πληρόμενος*. Responde PRIMO, illud *πληρόμενος*, aliquando significare redundat, quod est idē quod *πλήρης*, & hanc significationem sequutus est noster interpres, qui vertit, *plenus*.

**S E C U N D O** dico, si legamus passiuè, implebatur, sensum hunc esse, quod sapientia tam increata, quam creata, quæ in ipso erat, replebantur indies magis organa corporea, & membranae, atque aptabantur ad opera excellētiora facienda. Quem sensum indicat ATHANASIVS ser. 4. contra ARIANOS. quadrat hic sensus valde contextui. Puer enim crescat corpore, & roboretur spiritu, non extrinsecus aduentus, sed qui in ipso erat, vt opera perfectiora faceret, & panier implebatur sapientia non aliunde adscita, sed ea, quæ in ipso erat, diffundente se, & possidente omnia membra, & omnes sensus. Vnde sequitur: *Et grata Dei erat in illo*; non ait, acquisivit gratiam, sed gratia erat in illo, cum fouens & diff-

gen-

gens. Sicut ergo in ipsa conceptione, Spiritus & sapientia repleuit illud corpusculum, tanquam paruum templum suū, ita postea crescente illo templo, quodammodo se extendebat spiritus, & totum replebat.

TERTIO, idem etiam dici posset, quod replebatur sapiētia acquisita per experimentum proprium; tamen si enim nihil ignoraret theorice, cùm haberet infusam scientiam omnium rerum; tamen practicè ignorabat illa omnia, quæ non fuerat expertus. Quomodo Paulus dicit, eum didicisse obedientiam pereæ, quæ passus est, Heb. 5. Et hæc videtur expositiō B. AMBROSII libro de incarnationis Domin. Sacramēto, cap. 7. vbi dicit, Christum habuisse naturam humanam initio perfectam, & tamen sensu humano profecisse.

RESTAT TERTIVM Scripturæ testimonium ex cap. 2. Lucæ: *Iesus autem proficiebat sapientia, etate, & gratia.* Sed est certa & communis expositio eorum Patrum, quos suprà citauimus, Gregorij Nazianzeni, Cyrilli, Damasceni, Theophylacti, Bedæ, Anselmi, Bernardi, & aliorum, quod Christus profecerit sapiētia & gratia, opinione hominum, quibus indies magis aperiebat sapientiam suam. Quomodo Sol, quod magis ascendit versus medium cœlum, tanto magis dicitur proficere in lumine & calore, non quod in se fiat lucidior, & calidior, sed quia magis appetit eius virtus.

Addit DAMASCENVS loco notato, quod sicut Episcopus dicitur proficere in Ecclesia sua suis concionibus, quando populus proficit, & Doctor in schola dicitur proficere, quando doctos reddit auditores; ita etiam Christus dici potest profecisse, quia fecit alios proficere.

Sed instat CALVINVS, nam Lucas dicit, Christum profecisse apud Deum & homines; at non profecit in opinione Dei, nec fecit proficere Deum. RESPONDEO, illud, *Apud Deum & homines, debere coniungi cum profectu in gratia, nō cum profectu in sapientia vel ætate.* Non enim solemus dicere, aliquem profecisse sapientia, vel ætate apud Deum & homines. Nam sunt absolutæ res, sapientia & ætas, nec ab alio pendent. At rectissimè dicimus, aliquem proficere in gratia apud alios, quibus indies sit gratiæ.

Christus igitur dicitur grata apud Deum & homines profecisse, quia quotidie magis diligebatur ab hominibus,

bus.

bus, & recipiebat signa benevolentiae Dei; sive, quod est id, crescebat quotidie in externis signis benevolentiae Dei & hominum, sicut de Samuele dicitur 1. Regum 2. Putram proficiebat, & crescebat, & placebat tam Deo, quam minibus.

Præterea proficiebat apud homines sapientia, quatenus ut dictum est, multiplicando opera sapientiae, faciebat alios proficere, & ipse etiam quotidie sapientior apparebat. Præterea secundò, per opera plena sapientiae & gratiae, quæ cedebat, verè proficiebat sapientia & gratia apud Deum & homines, quia faciebat opera dignissima, & maximè mentoria tam iudicio Dei, quam hominum.

Iam de QVARTO Scripturæ testimonio varie sentiunt Patres. Ambrosius libro 5. de fide, cap. 8. & Hieronimus cap. 24. Marth. suspicantur illud (*Neque Filius*) additum ab Arianis, eò quod non habeatur in omnibus Græcis codicibus, tamen quia Marc. 13. in omnibus habetur, aliter repandum est.

PRIMA sit expositio GREGORI lib. 4. epist. 43. *Elogium*, ubi approbat Eulogij sententiam, quod *Codex* dicatur nescire diem illum, non in persona sua, sed in persona Ecclesiae. Multa enim, quæ dicuntur de Christo, intelliguntur de corpore, non de capite; contra hoc tamen potest obiici, quia tunc non debuisset Dominus dicere (*Neque Ageli, neque Filius*) nam cum Angeli contineantur etiam in corpore Christi, quod est Ecclesia; satis erat dicere, *Filius non nouit*. Et fortasse propterea Gregorius alias duas expositiones addidit, quia videlicet hæc prima non omnino satisfacere videbatur.

SECUNDA expositio eiusdem Gregorij ibidem, necno Ambrosij in caput 17. Lucæ, Nazianzeni orat. 4. de Theologia, & Cyrilli lib. 9. thesauri, cap. 4. est, quod Christus homo dicatur nescire eum diem, quia non sciebat ut homo, id est, humana scientia, sed diuina reuelatione, seu infusione, sed non videtur planè id etiam satisfacere. Nam Apostoli cupabant à Christo discere illum diem; ipse verò respondit, ne scire, ac propterea etiam non posse docere. at si sciebat diuina reuelatione, certè poterat docere.

TERTIA expositio est Epiphaniij in Ancorato, & Geff.

*S*extomi homil. de Trinit. tom. 3. & *Bernardi* lib. de duodecim gradibus humilitat. quod dicatur nescire, quia non sciebat practicè; quomodo Adam dicebatur ante peccatum non scire bonum & malum. Pater autem dicatur scire, quia practicè scit, quandoquidem omne iudicium dedit Filio, & ipse quodammodo iam iudicauit. Sed neque hæc videtur admodum quadrare. nam Apostoli non cupiebant scire practicè, sed theoreticè. ac proinde ad rem non pertinebat, siue sciret Dominus practicè eam diem, siue non sciret.

Est igitur POSTREMA expositio eiusdem S. GREGORII loco notato, necnon Ambroſij lib. 5. de fide, cap. 8. Hieronymi, Chrysostomi, Theophylacti in cap. 24. Matthai, Basili lib. 4. in Eunomium, & Augustini lib. 1. de Genesi, contra Manichæos, cap. 22. & lib. 1. Trinit. cap. 12. quod Filius dicatur nescire, quia non sciebat ad dicendum aliis, & quia eos nescientes faciebat. Quæ quidem explicatio est ad propositum huius loci. Vult enim Dominus reddere cauſam, cui non manifestet eum diem, & dicit cauſam esse, quia non scit, id est, non didicit hoc à Patre, ut reuelaret aliis, sed ut si bi secretum hoc seruaret.

Præterea Scriptura passim ita loquitur, ut Genes. 22. Nunc cognoui, quod timeas Deum, id est, nunc ostendi tibi, & aliis quantum me colas. Ioan. 15. Vos autem dixi amicos, quia omnia quæcumq; audiuist à Patre meo, nota feci vobis. Et tamen non omnia simpliciter eis indicauerat. Nam cap. 16. ait: Adhuc multa habeo vobis dicere, sed non potestis portare modò. Dixerat ergo illis, quæcumque audiuerat à Patre ad dicendum illis. Ita igitur hoc loco dicit se non scire, nisi quæ sciebat, ut illis diceret.

Sed contrà obiicit CALVINVS; nam cùm Christus dicat; Nemo scit neque Angeli, neque Filius, si illud (*Negat Filius*) sic intelligatur, quod Filius scit quidem, sed non ad dicendum, ergo etiam de Angelis dici poterit, illos quidem scire, sed non ad dicendum. PRÆTEREA posset obiici; nam cùm dicimus, Filium non scire ad dicendum, vel intelligendum est, non scire ad dicendum vlli, vel non scire ad dicendū Apostolis. Si primum, falsum est Filium non scire ad dicendū, nam dixit Spiritui sancto. Si secundum, falsa est illa exceptio, nisi solus Pater: nam nec Pater sciebat ad dicendū Apostolis.

Respon-

Respondeo ad PRIMAM obiectionem, ex verbis Domini habetur, nec Angelos, nec Filium scire ad dicendum. Vitrum autem alio modo sciant, hic non explicatur. Sed tamen scimus aliunde Christum scire, tum quia ipse est lumen constitutus, tum etiam, *Quia in eo sunt omnes thesauro scientia & sapientia Dei.* Coloss. 2. De Angelis vero credimus, eos non scire ullo modo, tum quia non est eis necessaria haec cognitio, tum etiam, quia nusquam legimus Angelos ratione nosse.

Ad SECUNDAM dico, Filium non scire ad dicendum vili omnino, sed intelligo de Filio, ut homo est, quomodo non fecit scire Spiritum sanctum. Solus autem Pater dicitur scire, quia fecit scire Christum hominem, vt AUGUSTINUS dicit lib. 1. de Genesi, contra Manichaeos, cap. 22, quod substantem conuenit Patri, conuenit etiam aliis personis, quae sunt eiusdem naturae. Itaque idem est ac si dixisset, Nemo nisi Deus.

Ad ULTIMAM Scripturam dico, Impiam esse blasphemiam, quod Christus sine spiritu orauerit, aut consummata reuocauerit orationem suam. Nam de eo scriptum est: *Qui peccatum non novit, non peccat.* 1. Petri 7. Et: *Qui peccatum non novit, non peccasse, sed nec peccare potuisse.* Vide Athanasium contra Arianos, Cyrillum lib. 10. in Ioan. cap. 11. & Augustinum in Enchirid. cap. 36. & 40. & alios.

AT Scriptura ait, illud dixisse: *Pater, si possibile est, vel sciat igitur vitrum esse possibile, vel non sciebat. Si non sciebat, ergo aliquid ignorabat.* Si sciebat esse possibile, quare dubitando loquitur? Si sciebat esse impossibile, quare penitus. PRAETEREA cum dicit: *Transfer calicem hunc, videretur regnasse rectae rationi, & voluntati Patris;* nam ad hoc venient ut pateretur. DENEIQUE cum addit: *Non mea, sed tua voluntas fiat,* videretur aperte emendare quod prius petierat.

RESPONDEO, illud: *Si possibile est, significare, si plerumque possibile secundum Dei beneplacitum, & pater hoc ex aliis Euangelistis. Nam quod ait Matth. 26. Si possibile est, dicitur Marci 14. Omnia tibi possibilia sunt.* Et Luc. 22. *Pater, si possibile transfer, &c.* Dicit autem: *Sed sis, non quod ignoret Patrem*

nolle, sed ut ostendat affectum naturalem suæ voluntatis, ad fugiendam mortem, coniunctum cum omni subiectione ad paternam voluntatem. Est enim ac si diceret, Volo ut nō fiat quod volo, id est, volo voluntate deliberata, quæ respicit obiectum cum omnibus circumstantiis, ut non fiat id quod ego volo voluntate naturali, quæ refertur in obiectum secundum se tantum consideratum. Neque sunt contrariae hæ voluntates; nam non sunt circa idem eodem modo consideratum. Et præterea una est potius velleitas, quam voluntas.

DICES, quare Christus orando voluit exprimere illam voluntatem naturalem, quam sciebat non implendam? RESPONDEO cum Chrysostomo in hunc locum, ut ostenderet se esse verum hominem, & verè doluisse, ac passum, & mortuum esse. Si enim cùm tam sæpe expresserit naturales affectus, adhuc plurimi fuerunt hæretici negantes Christi veram carnem & passionem, quid fieret si nullum talem affectum ostendisset?

Præterea voluit hoc exprimere, ut doceret nos non ægrè ferte cùm nō imperramus à Deo id quod petimus: Christus enim in hac oratione partim fuit auditus, partim non auditus. Auditus fuit in eo, quod absolute petebat, iuxta illud Ioan. II. Sciebam quia semper me audis. Non fuit autem auditus in eo quod petuit ex naturali affectu, iuxta illud Psalm. 21. Clamabo per diem, & non exaudies.

## CAP VT VI.

Proponitur quæstio secunda, quæ est de descensu ad inferos.

**V**A BRITVR II. An & quomodo Christus ad inferos descendit. Ac primum omnes conueniunt, quod Christus aliquo modo ad inferos descendit. Nam & Scripturæ passim hoc docent, ut Actor. 2. Non derelinques animam meam in inferno. Et Ephes. 4. Descendit ad inferiores partes terra. Et præterea in Symbolo Apostolico legimus: Descendit ad inferos.